



ს ა ქ ა რ თ ვ ე ლ ო

სახელმწიფო რწმუნებული – გუბერნატორი

აზაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის,
ხოხის მუნიციპალიტეტებსა და თვითმმართველ ქალაქ ფოთში

ზუგდიდი.

19 მაისი 2014 წ.

სახელმწიფო რწმუნებულის–გუბერნატორის

გ ა ნ კ ა რ გ უ ლ ე ბ ა N 157

სახელმწიფო რწმუნებულის - გუბერნატორის სამოქმედო ტერიტორიის მიხედვით სოციალური ჭრებით არაკომერციული მიზნით მოსახლეობაზე გასაცემი I ხარისხის ხეზე მოთხოვნილი რესურსის დასაბუთებულობის შესწავლის მიზნით კომისიის შექმნის შესახებ

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27¹-ე მუხლის მე-2 პუნქტის „თ“ ქვეპუნქტის, 27¹¹-ე მუხლის პირველი პუნქტის, „სახელმწიფო რწმუნებულის–გუბერნატორის დებულების დამტკიცების შესახებ“ საქართველოს მთავრობის 2013 წლის 29 ნოემბრის N308 დადგენილების პირველი მუხლით დამტკიცებული სახელმწიფო რწმუნებულის–გუბერნატორის დებულების I თავის მე-5 მუხლის „რ“ პუნქტის, მე-6 მუხლის პირველი პუნქტის, „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების მე-10 მუხლის მე-6 პუნქტის და საქართველოს ზოგადი ადმინისტრაციული კოდექსის 52-ე მუხლის შესაბამისად:

1. სახელმწიფო რწმუნებულის - გუბერნატორის სამოქმედო ტერიტორიის მიხედვით სოციალური ჭრებით არაკომერციული მიზნით მოსახლეობაზე გასაცემი I ხარისხის ხეზე მოთხოვნილი რესურსის დასაბუთებულობის შესწავლის მიზნით შეიქმნას კომისია (შემდგომში „კომისია“) შემდეგი შემადგენლობით:
 - 1.1. კობა ქანთარია - სახელმწიფო რწმუნებულის - გუბერნატორის პირველი მოადგილის დროებით მოვალეობის შემსრულებელი - კომისიის თავმჯდომარე;
 - 1.2. გელა სვირავა - ადგილობრივი თვითმმართველობის ორგანოებთან ურთიერთობის სამსახურის უფროსი - კომისიის წევრი;
 - 1.3. აკაკი სარალიძე - სახელმწიფო რწმუნებულის - გუბერნატორის აპარატის უფროსის მოადგილე - კომისიის წევრი;
 - 1.4. მაკა ფიფია - ადგილობრივი თვითმმართველობის ორგანოებთან ურთიერთობის სამსახურის მთავარი სპეციალისტი იურიდიულ საკითხებში - კომისიის წევრი;
 - 1.5. ნატალია პავსკირი - ადგილობრივი თვითმმართველობის ორგანოებთან ურთიერთობის სამსახურის მთავარი სპეციალისტი სახელმწიფო ზედამხედველობის საკითხებში - კომისიის წევრი.
2. კომისიამ თავისი საქმიანობისას იხელმძღვანელოს „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების მე-10 მუხლის თანახმად;
3. „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების მე-10 მუხლის მე-4 და მე-5 პუნქტების შესაბამისად სახელმწიფო რწმუნებულის - გუბერნატორის სამოქმედო ტერიტორიის მიხედვით არაკომერციული მიზნით ადგილობრივი მოსახლეობისათვის გასაცემი I ხარისხის ხეზე

წლიური ზღვრული მოცულობის სსიპ - ეროვნული სატყეო სააგენტოს მიერ (შემდგომში „მართვის ორგანო“) გამოყოფის შემდგომ მოხდეს მოსახლეობაზე გაცემა;

4. წინამდებარე განკარგულების მე-3 პუნქტში აღნიშნული დადგენილების მე-10 მუხლის მე-14 პუნქტის თანახმად გაეწიოს მოსახლეობას შუამდგომლობა წლიური ზღვრული მოცულობის მართვის ორგანოს მიერ გამოყოფამდე გადაუდებელი აუცილებლობისას (ხანძარი, სტიქიური უბედურება ან/და სხვა ფორსმაჟორული გარემოებები);
5. აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის, ხობის მუნიციპალიტეტების გამგებლებმა და თვითმმართველი ქალაქ ფოთის მერმა მათი სამოქმედო ტერიტორიის ფარგლებში ადგილობრივი მოსახლეობისათვის სახელმწიფო რწმუნებულის - გუბერნატორის მიერ მართვის ორგანოში შუამდგომლობის გაწევის მიზნით წარმოადგინონ:
 - 5.1. წერილობითი მომართვა თითოეული მოქალაქის სახელის, გვარის, პირადი ნომრის და მოქალაქისათვის გასაცემი I ხარისხის ხის სახეობისა და მოცულობის მითითებით;
 - 5.2. კომისიის შესაბამისი დასკვნა და ფაქტობრივი მდგომარეობის ამსახველი ფოტოსურათები;
 - 5.3. დაინტერესებული პირის (მოქალაქის) განცხადება და პირადობის მოწმობის ასლი;
 - 5.4. ხანძრით, სტიქიური უბედურებით ან/და სხვა ფორსმაჟორული გარემოებებით გამოწვეულ შემთხვევებში ოფიციალური დოკუმენტი, რომელიც გაცემული იქნება ასეთი დოკუმენტის გაცემაზე უფლებამოსილი ორგანოს ან/და სამსახურის მიერ, რაც დადასტურებული იქნება ხელმოწერით ამ დოკუმენტზე ფაქტის ნამდვილობის დადასტურების მიზნით.
6. კონტროლს განკარგულების შესრულებაზე განვახორციელებ პირადად;
7. დაევალოს კომისიას უზრუნველყოს თითოეული კონკრეტული მოთხოვნილი რესურსის დასაბუთებულობის შესწავლა, მიიღოს შესაბამისი დასკვნა, რათა დაზუსტებული შუამდგომლობა წარდგენილ იქნეს სახელმწიფო რწმუნებულის - გუბერნატორის მიერ მართვის ორგანოში კომისიის დასკვნასთან და ყველა სხვა აუცილებელ დოკუმენტებთან ერთად;
8. მიღებული განკარგულება გადაეზავნოს აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის, ხობის მუნიციპალიტეტების გამგებლებს და თვითმმართველი ქალაქ ფოთის მერს;
9. განკარგულება ამოქმედდეს საქართველოს ზოგადი ადმინისტრაციული კოდექსის 54-ე მუხლის I ნაწილის შესაბამისად, გაცნობისთანავე;
10. განკარგულება შეიძლება გასაჩივრდეს საქართველოს „ზოგადი ადმინისტრაციული კოდექსის“ 180-ე მუხლის I ნაწილის და „ადმინისტრაციული საპროცესო კოდექსის“ 22-ე მუხლის მე-3 ნაწილის შესაბამისად, გაცნობის დღიდან ერთი თვის ვადაში, ზუგდიდის რაიონულ სასამართლოში, მის. ზუგდიდი გრ. ქობალიას ქ. N12

ლევან შონია
სახელმწიფო რწმუნებული - გუბერნატორი

